

雅
州
府
志
十二

雅州府志卷之十六

藝文下

四言古詩

人物

曹掄彬

川嶽毓秀豈翕作人時地匪限生成則均鳴鶴聞
野翾鳳儀廷弼彪千襖永著芳馨

土司

明設土司名號不一納款投誠命之爵秩湛恩汪
濊

聖朝加密偉然冠裳子孫世襲罔不率俾海隅出日慎
哉屏藩綏衆以律

西域

聖德神功肇闢西爐漸至番藏普入版圖祥荊沫水四
遠無虞并包無外恩威覃敷

孝義

孝修諸家義著于國百行之本萬善之則其端甚
微天地可塞志士仁人千古生色

節烈

窈窕之姿冰霜之質秀潤芳閨黯慘深室德應脩
四義昭從一彤管揚徽貞懿並述

兵制

易象地水詩賦干城範次八政禮列五兵版泉流
鹿龍虎風雲庸蜀羌髳西土之人戎兵克詰赫聲
濯靈蜀處邊徼握機宜精雅通爐詔更加嚴明安
營險要防範時勤鵬心鷹眼化舊徙新

皇恩覆育中外安寧歌舞耕牧赤子蒼生養兵不誅萬
里常春

文藝

文以載道藝以博譽二者兼備經世之儒潤色鴻業粉飾皇輿牢籠百物雕鏤蟲魚香山麗句黥刺文軀聖俞華藻組織服皮雖在蠻徼尙重辭摛况屬華夏豈乏典遺

循吏

禮樂兵農英聲茂實匪懈匪躬星披風櫛事有不朽美無過溢書以三管光彪百辟

菜花石

石出龍門上下俱無亦玉類

竹全仁

漏閣上流龍門之澗有石其間不與衆伍深藏
色微露頑璞亦溫亦堅內精外粗鄉兒玩褻鄙薄
古董識者揀拔管城爲友懼其雕琢潛于一澳不
逢卞和孰爲之泣女媧得之携之天補

五言古

智炬院留題

孫漸

郊行半舍近炎曦正歇午波淺水粼粼陟高峯伍
伍寺藏翠靄深門蔭蒼松古明暗獲泯時榜名榜
智炬入憇望遠亭好風聲清署素曳瓦屋烟虹挂

峩眉雨千里，豁人懷萬象。紛指顧，步蕪閱，刻碑開
龕禮，遺塑香火肅僧儀。堂皇留客屐，繼登凌霄閣。
倚欄眺茶圃，昔有漢道人。薤草初爲祖，分來建溪
芽。寸寸培新土，至今滿蒙頂。品倍毛家譜，紫筍與
搶旂。食之綠眉宇，雷動轉蜀車。雲屯富秦廩，我貪
事幽尋。更直忘形侶，鼎抽竹葉燒。餅汲龍泉煮，暫
啜破積昏。飄飄腋生羽，相話對夜闌。螢點流星度，
金雞鳴一聲。回首關頭路，會約看摘山。十詠龜蒙

具

獐懶坡

張維斗

掘足陟崇坡盤旋勢未已轉折翠隨人舉目寒生
崑高低羸沈濶坑陷烟霞起繁英接雜花鷓黃錯
狐紫驀地火燒空春蕎拖茜被坐令毛髮蒼叢林
生旖旎奔泉走石罅泠泠冲草舄媧皇撒剩礫頑
渣攪不理霹靂飛白日澎湃更可喜達人憑大觀
會境趣堪擬難以告俗僮只說山多壘尋常目睫
謀識不踰尺咫辟彼覆醢雞生死銅甌裏還如齒
牙蠹齧齧間已矣應被山林笑拘攣來足跂

新燕

年年二月期飛飛來紫燕營壘倚雕梁兩吻啣泥
薦巢成育嫩雛食哺勞吐嚙時當夏月初新雛試
羽扇雙飛羽差池岐尾剪兩片語人厭呢喃舞向
柳陰穿簾垂數往還樓高去來便毛衣初豐滿子
毋殊難辨嗟哉毛羽儔尙知信義善飲啄世無求
主人常相戀豈無大厦棲掉頭不肯羨雖至陋巷
居安然不嫌賤金風忽報秋暫別主人面稍過霜
雪天春來又相見

清明日雅安尹董邀偕家太守游戎劉別駕
裘清溪尹楊暨諸幕寮平石壩踏青

黃平明經曹掄翰

西林

屠維逢協洽斗杓正建辰遲日纔上巳今朝已莫
春袂除傳佳節采蘭溱洧濱綠染千山翠青鋪大
地茵多情董令尹端不讓侯郁風規誠直質舉止
率天真爲愛清明好政暇且娛賓東邀平石壩相
與樂同人驅車初出郭匹馬過城闌坪田蓄水滿
豌豆引繩繩唧咕虫鳴樹嶮嶮塚卧麟再去山溪

岸人烟接北鄰酒店懸招飲芒鞋壁掛塵村婦駢
肩立村農暫輟响相攬看太守欲進又逡巡繼入
招提裡園綴一番新牡丹舒國色異卉葉萋萋
遍松篁徑須臾筵肆陳觥籌纔交錯羅列脩山珍
杯多沉沉醉言旋日已申歸來屬長句明月滿階
銀

贊無霞僧

天王寺僧九十
餘歲說偈脫化

屠

巒

蘆山
知縣

夙賦菩提性先知一本誠爲君今作偈千古亦留
名

前題

諸民安

蘆山
教諭

稟性終苦拙始終亦無缺要知一片心清風與明月

前題

丁

龍

蘆山
訓導

出自一真心德行誠難比應知不朽身千古亦如此

六言古

玉洞靈泉

失名

化鯉化龍紀異一泓清水堪誇香冽祈求有應至

今澤遍桑麻

雞冠朝艷

屏列雞冠似繡起看萬片霞非絳幘雞人報曉况
當旭日暉暉

漢源春色

大塊文章假我無邊光景時新奪目爭妍桃李風
和萬戶皆春

大渡晴波

玉斧當年畫界金渡近日浮烟一舸中流迅發休

誇急箭離弦

海棠書燈

故院蕭蕭風雨年來猶放春花掩映一燈林裏幾
疑天上仙家

百站驛遇雨

曹掄彬

昨宵月離畢宿今朝雨致滂沱百站雲山青色干
畦麥穗綠波那堪行役愁緒且喜田畷懽歌處處
犁雲鋤雨村村人醉春和但得民安物阜何方官
道披袞將來宦業如何清風兩袖嫌多

金雞關

何年金雞飛過留名萬世間
關沐雨櫛風任受披
星戴月等閒舌噪五更唱曉
警醒迷夢愚頑好將
清德自勵不負名山空還

七言古

後園櫻桃

張維斗

薰風吹綠空園樹
虹根虬枝半畝澗
橫挺岑樓暗
黛叢幽禽碎羽嚶
鳴聚忽驚丹粒點
唇血萬顆勻
員數勿得誰道
玻璃浮乳酪誰擎
瑛赤盤同色合

充鳳食貯三山不許鶯含雀啄殘侵早持竿守林
越與禽爭飴聲咄咄樹頂高高竿自低兒童扳幹
翠籃提只知造口果然腹那管平空手足擠爲愛
胭脂樊素口向人解語頻翹首文杏林擒總不如
大官頻賜今仍否轉思北固爛如金笋候鶯天滿
袖珍愀然南顧無消息玉筍金盤盼好音

萱花

薰風五月硃砂市天空跌墮珊瑚紫黛葉青莖取
次新中庭鵲啄何齒齒相沿此草號無愁遷客多

愁瘳得否。紉蘭佩芷，尙無心宜。男有夢，頻搔首。只恐愁來，倍不禁。除是抽簪伴魚叟。

咏天王寺海棠

竹元鼎

海棠花色映天池。日上枝頭，素粧倚葉，綦綦嫩綠。正茂花灼灼，淺紅可挹。老嫗入宮起，妬心上樹攀花。又折枝無鹽，西施應難容剪。且敗兮真，可惜痛殺山房醉古客。願與海棠懲逐之。

李縣尊中秋邀飲賦得蜀道難 竹全仁

蜀道難，蜀道難。行人跨馬鼻頭酸。懸岩曲曲三千

里怪石磷磷十二盤斜梯崩男穿雲出織路木根
到處環人在半峯影在壑分明直去又迴還借問
鬢叢開創時從何飛越國於茲五丁鑿闢重煩力
詭用金牛却詐誰痴賦蜀都笑左思魚鳧井絡自
爲區平羗月影流難盡惟有謫仙繪人詩劍關劍
氣繞征衣征騎孰能信手揮舉首離天不幾尺高
聲只恐震天扉萬山縱目恍如螺萬水俯看一線
拖日月頻頻掠髮去幾乎兩袖蕩星河星河半影
入龍門萬里湍流一口吞灑瀨堆前飛遠棹巫峯

神女向誰論逆流蜀口釣魚山巴子國中水一灣
誰把毫端揮巨浪呱呱啟泣盡潺潺又見驅車入
夜郎九龍岡上似羊腸山靈今尚懼劉縱常遣雲
來補缺岡相嶺炎天雪佈岩張騫笳竹幾時栽黎
風雅雨閣常漏莫怪王陽不肯來君不見孔明屯
蔡夢周公深入不毛路欲窮又不見維州德裕建
籌邊玉壘巍巍不可鐫噫嘻棧道連雲雲果連上
得栽肩只有天石破天驚石紐傳離堆鑿後定桑
田相如漢代鏤靈關笑殺援崖把木板山谷蔡蒙

掇綠菜和夷底績水成濃迴翔宰相遲行旌來暮
从虛竹馬迎顧得坤維留掌跡長歌王道是平平

瑞雪行

曹掄彬

人言今歲雪必作來歲雨此事不可知此言傳于
古昨夜空中雪片飛千家山郭盡銀輝畫閣人歸
香暗冷綠橋人跡踏來稀盡日同雲布滿天霏霏
玉屑遍江阡著樹增梅花影燦傍堤舞柳絮絲牽
捲起珠簾看甲第平原高低迷石砌清光掩暎少
織塵素矢臣心與彼契君不見我

皇舉念重農務，旰食宵衣不計苦。今喜雪花六出飛，應聽夷民歌樂土。

湧泉寺題壁

竹郎齋

湧泉寺寺湧泉，湧泉寺門寺門喜湧泉。湧泉先無寺，建寺爲湧泉，所以因湧泉，故名湧泉寺。

玉壘吟

朝也玉壘山，暮也玉壘山。朝朝暮暮，玉壘了六七。年銀堆四時雪，扇大一卦天。刮耳風沙那曾見，此好風烟重裘不禁暮。春寒興來時，手提竹杖待要。

振衣其上散步其巔跌坐結個三生石上綠纒
消遣怎奈不住的羽書又早到徹底關

黃連謠

張維斗

採黃連連從何地掘托根自溪岷豺狼所宅窟腰
鎌迤邐尋虬虵全出沒毒氣一中之朱顏變白骨
嗚呼誰非天地父母身忍拋軀命長砣砣

採黃連連果從何界孕毓自地靈豐嗇關天意取
者日加多出者不能繼人情所必爭造物亦珍秘
幸者偶然獲一二否則終日挈空器嗚呼誰非天

牙少府志 卷之六
地父母身腸枯目斷魂驚悸

採黃連連將何所用和藥佐君臣上方充御貢監
司一紙催縣官神色動令下如風雷隸卒打門闕
銀鐺捽頸到公庭虎吏兩旁莫敢控嗚呼誰非天
地父母身鞭笞肉飛不知痛

採黃連連價何以給官價僅六分民價倍幾十田
產鬻豪門貿易何地邑尤自倩牙人賣兒供賦入
一口不能抵數舫持麗輪將還岌岌嗚呼誰非天
地父母身士女仳離罔其泣

嗚呼黃連本性寒入口涎欲吐如此慘百罹苦上
更加苦轉苦與成甘盍蠲征連簿御用恐難虧誰
撞登聞鼓酌量從改折剗肉猶可補不然愁此一
方民空留明月照門戶

題六賊攢彌陀圖示某上人

曠這縮流好生作恠爲甚麼不去叅禪爲甚麼不
去受戒却將這皓齒蛾眉終日間婆娑不解似快
非快分明是眼耳鼻舌身意欲點破世人色界呵
呵開眼處色本是空著手處空卽是色個中且莫

問比丘畫圖可是王摩詰

五言排律

芍藥十二韻

曹掄彬

葩傳東武盛名自廣陵昭醞釀三春秀芳菲四月
韶朋殘粧黛淺艷瘦暗香消慘淡含朝露嫣紅媚
晚妖逸情殊綽約浩態儘嬌嬈攢蓋分層瓣抽英
裊嫩條赤心傾皎日綠葉漾晴飈蝶醉探花舞蜂
狂戀萼嚶比姚多艷艷擬魏更天天玉椀天擎蓋
金圍帶鎖腰翻堦垂影重拂砌露光遙香閣公餘

暇題詩興自饒

塞霜六韻 有小序

曹掄彬

時維九月序屬三秋氣應清商律中無射霜飛
薊野風淒羈旅之心楓冷吳江人感敝貂之嘆
寒鴉噪樹五更風雨淒其孤鴈橫天一派烟霞
慘淡雲封三經黃菊舒香露謝群葩貞松挺秀
欣逢良會爲賦新詩授簡臨風聊抒雅趣云耳
霜肅秋旻靜烟消碧野平氣侵楓葉墜光奪月華
明皎皎疑山雪溶溶燦水晶凌松貞始見點竹韻

還清草盡鷹翔疾峯寒雁度驚愛他純潔質聊以
自心盟

五言律

相公嶺

楊慎

九折刺史坂七擒孟獲橋沉黎漢源古巖道蜀關
遙策馬冰槽滑乘槎雪濤消我行再經此感慨一
長謠

過箐口驛

前名

箐口關河險山頭路更賒凌兢磨旋蟻屈曲陣捕

蛇官舍惟一舍人家無十家客心何處切夕照閉
歸鴉

相公堂瞻武侯像

張維斗

南伐曾經此蕭條香火殘陰平終古憾巾國敵魂
寒有子宜陪祀同牢未雅觀將來新廟貌盼蠻巢
平安

劉征東像

將軍原不死沉鷺肯膚撓矢折渾河暗旂翻雲漢
高一抔存碧血百戰洒丹毫征播威名在今猶說

大刀

遊瓦屋中天池

張象翀

帶雨入荒寺松濤一殿流
枯燈寒古佛殘葉落危樓
法界猶灰劫吾生真浪浮
烟雲能護枕且夢辟支遊

獅子巖

張象翀

分竹探幽徑看山豈厭窮
是溪皆過水無樹不留風
霧白蠶叢外亭危鳥道中
我眉高處月堪與此峯同

出郭

葉桂章

雨餘忻出郭山迥快登樓霧裡尋花徑林邊度綵
輶乾坤留勝槩臨望藉銷愁回首思陳迹吾生信
已浮

重遊化城寺

前名

半榻青雲地重來四顧攀溪深巖竹綠鳥噪碧林
斑象捲湖心突龍圍海嶽攢化城真勝地莫作舊
時看

石笋

張啟秀

石笋與天叅濛濛宿霧龕喝雲走山鬼行雨出龍
潭日月盤根轉風雷入地含漏天須底柱永奠蜀
西南

蒙山二首

徐元禧

上山高不極古木欲叅天星斗胸中燦風雷足下
關豹潛山隱霧龍躍雨流泉歸向懸樓望飛青到
檻邊

五頂叅差比真成一朵蓮茶香開淨土苔厚闕甘
泉石屋能藏月雲梯可到天禹功誰記取書載旅

平年

遊棲霞寺

前名

關市無塵俗幽棲此亦堪
烟霞耽我癖泉石儘人
愁樹密青螺隱花香粉蝶
探馬頭前更却何處着
精藍

勸農

高第

未獲推衣食殷憂勸我農
無窮終歲計有限一犁
供租賦雖頻薄飢寒亦易
逢及茲膏雨際莫向隴
頭慵

遊靈山四首

孫雯鏡

素有登臨約，纔逢此日間。
良朋聯轡入，絕巘一藤
扳草沒東西。澗雲開遠近，
山老僧無個事。永晝掩

松關

燃燈曾說法，遺跡到如今。
水滴真三昧，岩懸古萬
尋殘碑題歲月，飛鳥語升
沉。隨意留詩去，聊酌乞
句心。

萬疊山如抱，孤峯似掌擎。
雲疑從地起，橋說是天
生。仄徑通番漢，溪林少送
迎。到來凡想寂，何用訪

蓬瀛

夾道松篁合行行露亦濃欲尋香界路但聽遠山
鐘風雨棲岩虎晨昏卧鉢龍勞人間憇息歸騎一
從容

奉次前韻

段朝偉

從公尋勝地亦趣此時閒古寺凌虛建遊人向險
扳崖飛三昧水橋鎖兩重山雞犬無聲到松扉向
月關

創建由來古登臨喜自今名流容唱和勝地得追

尋有路通霄漢凌空看陸沈塵緣雖未了酣醉亦
清心

峭壁干霄上平空一柱擎群峯隨霧合萬木接雲
生大界分中外高僧懶送迎幸陪仙令入雙舄似

登瀛

萬慮俱消處安閒睡更濃日高三丈地飯熟幾聲
鐘名利常棲鶴蒼枝欲化龍老僧偏解事乞句故
雍容

蜀道難

陳陰鑑

王尊奉漢朝靈關不憚遙岷嶺長有雪雲棧屢經
燒輪椎九折路騎阻七星橋蜀道難如此功名詎
可要

飛仙關

李向陽

漏閣何巍巍猿聲日夜悲洪流穿澗出孤鶴傍崖
歸峯萃天恒小壑深日漸微羊腸策馬過無處挾
仙飛

雅山晴眺

王曰魯

峯亂孤城壓江深白浪浮晴雲連竹屋古木蔭山

樓鳥道窺天窄猿聲帶月留我來荆棘裡得句解
心愁

登佛圖寺

前名

結伴尋山寺扳蘿叩石扉鳥啼綠客到磬響識僧
歸橋礙灘聲激亭遮日影稀磨村千嶂合誰與話
禪機

靈山集句二首

失名

萬疊山如抱平空一柱擎群峯隨霧合萬樹接雲
生仄逕通番漢溪林絕送迎到來凡想寂隄底有

蓬瀛

夙有登臨約，纔逢此日閒。
嶺高無蔓引，道險絕藤扳。
車騎填空谷，烟雲補破山。
老僧嫌熟客，盡日掩松關。

佛圖聖燈

徐元禧

慧炬星星照，誰知木葉光。
憐憐飛曲磬，閃閃度高岡。
月借清輝滿，風吹紫暈長。
老僧應未寐，指點話迴廊。

春日偶興

胡聯雲

風景時時異何堪春又深黃鸝初叫日綠柳漸成
陰蛙鬧千村鼓蟬鳴萬樹琴不無遲暮嘆慷慨

間吟

前名

春光幾十度底事尙如今有道羞貧賤無爲枉尺
尋看花多老氣聽燕遠芳心社後還餘酒遣懷呼
滿斟

遊覽詩

吳敦簡

採風來古寺吐納俯洪流水出烏鴉漩山迴白虎
溝野花名難辨息鳥語無休珍重墻間句紗籠墨

蹟留

雅安苦雨二首

劉星槎

常州廩生

淙淙雅雨繁，霏滯暗朝昏。
秧馬衝泥跡，蝸牛上檻痕。
雲濃山翠失，泉急澗聲喧。
溪漲長橋圯，行人幾斷魂。

鐵索橋水漲冲斷橋柱

泔泔天涯雨，兼旬無了期。
風鴛藏近渚，山鳥集深枝。
積砌看成沼，疏烟散作絲。
那堪留客住，滴滴攪愁思。

七言律

遊棲霞寺

王勅

乘閒來訪梵王家古木森陰暗落花野鶴乍驚門
外客老僧安卧隴頭霞尋山但策邛嶻竹汲水頻
煎蒙頂茶却笑禪家貪課蜜檐前不厭聞蜂衙

登蒙山

李應元

振衣百仞崗頭路蒙頂蒼蒼倚大羅欲向天邊看
五岳先從雲際揖三峩上青峰冷餘霜雪甘露泉
空只薜蘿莫謂天台逃舊處青鞋綠杖擬重過

遊紫府飛霞洞

周光鎬

向說飛霞有洞靈翠微曾落斗魁星上方帝座
呼吸下界人間接窈冥劍佩神遊秋氣紫蔡蒙山
倚玉霄青千秋井絡逢昌運多少英髦集漢庭

前題

王慶解

曾向窓前捧化書扳鱗到此興扶踈飛霞字已三
朝遠浩劫靈子一洞儲茶味清人花落後桂香留
客雁來初時當夏五探文窟共乞刀圭聽步虛

前題

徐元禧

七曲文昌帝子家此間紫府又飛霞纍櫃無恙雲

長守鐘鼓有靈夜自擲白衛四蹄遊八極素龍五
爪穴三巴兩行龜部留親筆千載人文好共誇

遊卧龍山

前名

驚心戎馬暫時休吏卒衙官又遠遊浩劫微塵紅
土在叢林古木白雲留掠牙獅吻屢風露染血雞
冠傲冕旒偶得殘碑抄且讀叟叟請乞又旁睞

至廻龍寺治弓界之賦

二首

前名

鳩鵲爭巢兩不安
佛祖也難歎香厨蔬筍園
空給竹院禽魚豈
人寬地割清涼沿嶺曲天開翠

壁矗雲端茫茫竟日綠何事作世馬牛要擲冠
勤民無刻夢魂安行散祇園得暫歡飽踏青山忘
腹餒饑餐白石礙心寬忝禪未必窮三乘持律何
當折兩端要得天根清且靜除非拋却進賢冠

後園核桃

張維斗

擎枝密蔭矗樓頭羗菓纍纍泛雪甌何必青州堪
薦齒敲來白玉早驚秋凌寒剛彈閉雙瓣人夏員
包不一油絕勝沉黎甘味澁携歸可得滷林丘

象耳岩見娑羅花吟

八首

前名

亂墜天花選佛場。娑羅借得大莪香。辟支簪爾餘
千歲。郭橐移渠不一霜。黯黯鵑魂留夜月。悵悵猩
血洒山岡。燕支奪色渾閒事。乞與優婆作曉粧。
虎踞龍蹲百尺岡。更從象耳遠於將。茸茸紫萼光
初爛。灼灼丹華燭未涼。白玉好簪優鉢露。黃金難
買法華香。仙家琪樹安能及。萬蕊千葩總合房。
法王何處得員華。錦帶金袍映絳紗。邨女朱顏羞
齒舊。山僧黃面枉袈裟。誰嫌地迥炎還雪。不怕天
空曉載霞。堪晒憨兒移種去。靈根肯上漢臣槎。

空山爛熳爲誰誇，丹紫連房守夜叉。似剪芙蓉粉
疊萼，如裁芍藥絢重葩。胭脂胡婦臨青錦，紅粉佳
人隔絳紗。聞有木蓮花，未見樂天彩筆慣搜爬。

淡白殷紅欲扶眉，層片片醉春醕。曼陀吐艷雲
霞麗，優鉢分香夜月鋪。好借邊鸞描卉筆，巧描天
女散花圖。洛陽金谷饒脂粉，誰信楊環塞下酥。

扶桑一擲百樗蒲，此比扶桑彼作奴。淺紫深紅光
麗殺，叢葩疊葉影模糊。漫教炫彩迦陵舞，錯認放
光佛現呼。微笑不知緣底事，是花是法摠難圖。

三峩借得好花叢肯逐繁華點綴工十光散作無
邊紫五綵粧成不盡紅燒脂炙粉憎魔女珣筆淹
毫厭禿翁應是蜂王留法種層層彩暈碧雲籠

西域携根自法宗裁朱暈碧翠陰重閒閒落無
人賞宜兩宜時有客逢火裡曇花塵幾劫山頭貝
樹月初曼陀天女應留意分我奇葩帶種東

望馬耳山

向聞山頂有修真女前名

若個遊人得振衣雪花常繞半身飛凭看相嶺分
青蓋遙取我眉新碧輝仙女休釋魯寄跋

幸尙留辭從來
如此暗對重光

登瓦屋山

羅萬鍾

江上維舟去欲遲
爲貪名利向前溪
暮林可是峻
羅樹曲水遙通阿耨池
雙峯障日烟塵少
一榻禪
雲鳥雀知借問山僧何所事
但言虛靜是吾師

瓦屋山頂 十首

邵捷春

瓦屋孤高并大峩
盤旋竟日蟻圓磨也愁佛嶺千
層險其柰神光萬丈何
百歲苾芻迎客少
四時風景似冬多
翻身已在星辰上不許狂吟拍板歌

登山門寺

截業難驅漢渥洼十夫力挽一輕車
蒙茸樹綫逃樵徑杳藹筠籠露衲家
但有雲霞供吐納更無鳥雀汗袈裟
憑中指點天河近何似當年共泛槎

望光

辟支有意斬光華竚盼凭欄到日斜
藉草衣沾微雨濕聽泉聲被密雲
遮木梯人見金剛頂象耳岩沉虎子
牙丈二枯松雲掩蓋杪羅空有鉢盂
花

見光

半空倏忽蕩開烟，幻出金光似鏡圓。
巧借白雲呈法座，非關紅日倒彎弦。
現心直醒雙迷眼，繪事難描十色箋。
多少厝屨稱福地，靈音遜此大羅天。

枯樹

扶柯剝盡幾多年，戟立猶憐白首全。
曾似斧斤郊大國，若留古幹伴枯禪。
不材寧心盡樗散，屈木也堪薦几筵。
開採頻聞來隴蜀，眼看樛棟老岩前。

山泉

山高難得合流泉，此際泉流繞座涓。
入夏儘堪供

牙少元元 卷之二十七 三三
浴佛凭虛先聽似鳴弦坎盈直下千仞坎天一生
來尺五天我欲試茶僧抱甕廣長舌底溢清涎

羅漢閣

三界憑河爲上台却疑度此卽蓬萊解衣猶惡鞋
羈足舉武翻疑石破顛謝傳齒非支屐去吳牛喘
是月中來山林休訝遊人少濟勝還須許子才

望雪山

依瞰千重織錦文一天蒼碧淨氤氳對山獨種藍
田玉疊嶂高懸白練裙雜以夏雲幾莫辨界於夷

地得平分扶桑初出應先受見覲難消空所聞

下山

玉樓起粟着重綿頂下重巖汗欲煎日近曾無炎
作爆濕流翻與燥相連同風實覺不同氣兩地何
爲隔兩天我費仰觀弁俯察小兒怪底語便便

太湖石

前名

尋山原以石爲先兩見太湖鎮法筵叠笋回還真
宛爾古苔盤礴更蒼然米家拜後非無犬坡老供
來別有緣強認西飛亦幻迹分明孟內長青蓮

次下山韻

張維斗

翻寒作燠却吳綿解渴懶斟舌火煎何故近曦衣
積疊偏于入濕扇流連果然晷際懸殊候始信壺
中別有天論日小兒嘲大聖書生枉貯腹便便

樟懶坡

王蓋

濛濛遙挂斗邊城連上懶坡入翠岑不謂梁州分
地軸那知佳氣入天門鶴從碧落飛青靄人入丹
霄度白雲我欲回車非九折前驅空自負明君

自黎登九折

簡而巒

烟霞雪嶺九霄連，絡繹雙丸碧落邊。
巖壑千盤經蜀道，華夷萬里見堯天。
臣勞敢謂驅車遠，帝澤虛慚奉使傳。
坐愛氛消登靄景，遙知鳳舞賀新年。

箐口驛

驛亭自識到岷山，二十四盤杳靄間。
已歷空濛猶悵望，更開圖畫慰愁顏。
心隨倦馬難拘束，身與浮雲一日還。
少日夢遊朝五岳，廿年羞見髮毛斑。

初至榮經

李元端

關前叱馭日初紅，負戴人行避玉驄。
近縣水聲喧

雨後隔橋山色入雲中茅簷竹戶千家市柳徑花
欄十畝宮天畔一枝栖息穩未知何以答蒼穹

雅州八景

坪山新月

曹掄彬

倉坪山湧壯金湯焜耀邊城倩月光地爲江流勞
厚載天垂壁宿煥星芒銀鈎曲曲環圓鏡玉軸灣
灣裊半筐屏翰自來蒙保障萬家安堵慶無疆

二水環城

百雉臨流是雅安羌江瀆水鎖城九凌空鐵索跨

雲路剪浪松舸織錦瀾玉帶牢拴邊幅靜金湯鞏
回水神彈一灣春漲環郊綠愛向清和月裏看

平羌晚渡

夕陽西下水東流影入羌江景更幽隔岸經商招
渡子歸家樵牧趨行舟衝波竹筏尋崖泊泛水魚
鈎傍晚收不是平蠻驅鐵馬如何恁得好名留

丙穴嘉魚

寰海鯨鯢未是奇平羌丙穴毓名鱗春風暖送桃
花浪夏雨波翻孕子鱖香餌不教吞釣叟溪淵應

許妬鷓鴣饒他法網頻加密自有山靈巧護持

周公入夢

當朝負展想成周白帝扶孤說漢劉一樣精誠心
印台兩情相感夢魂投參天蔡嶺綿姬曆匝地羗
戎頌益州莫道邊氓思赤舄還應敬念武鄉侯

蔡蒙從耳翠

旅平舊壤蠹崔巍對峙雙峯插太微烟雨迷離青
黛潤山嵐縹緲白雲肥周公廟貌瓊樓迥甘露茶
香玉液飛半壁西南雄保障人欽仰止樂瞻依

金鷄唱曉

天爲籠蓋地爲塹舌禿鳴階爲醒遲飽啄雙九啣
玉粒濃飡浥露飲潢池桃紅柳綠添翎艷曙色烟
光看羽儀盡說捫聲難叫月參橫斗轉是誰移

秀鎖江流

水晶關下擁層巒天遣嶙峋護雅安砥柱中流雄
坐鎮懷柔喬嶽續隨刊綠陰冉冉容堪掬玉笋班
班秀可餐任是江間波浪湧雲橫嶺外數峯攢

杜鵑啼二律

川陝總制

岳鍾琪

纔學忘機向客窓偶聞題鵠意難降爾何終古辭
鄉土我亦多年出錦江巧舌叫穿花滿樹柔腸拚
斷血盈腔聽殘月下叮嚀語猶勝孤眠夜兩釘
故國人聞尙敬諸猶憐望帝化身餘淚殘錦水飛
花苑啼徹春風明月廬驚夢每從三漏後沾衣只
在一聲初聽他叫出離鸞曲愁殺含情病相如

步岳薑園原韻

二首

曹掄彬

鵲聲午夜度芸窻萬感鄉思總不降抱恨終天悲
蜀帝含情有淚洒西江苦心滴滴喉俱咽禿舌離

離血滿腔啼到五更人醉醒月明無語對銀缸
韶光空擲惜居諸又是三春月已餘賸有赤心思
報國更無碧宇作棲廬啼殘夜月鶯花後歸計蕩
鱸玉露初但得功成身自隱區區心事竟何如

蔡山龍洞

曹掄翰

蔡嶺岑根一竅開中藏神物蘊風雷雲蒸纔看山
前湧霧噴旋驚雨後催
山有雲霧即雨無即晴歷歷不爽郡人於此觀晴雨
應是巨靈穿窟宅還疑鬼斧劈胞胎鍾祥蜀國知
多少信有人文應運來

蒙頂石茶

香茗馥馥產蒙巔霧擁雲封植自仙

高僧所種

老樹未

長三二尺

蒙頂土淺多石故不甚茂中一株各仙茶僅尺三四寸傍七小株僅五六寸各

陪仙茶每年僅摘得二三十片四月方發五月方採採後即枯然不萎次年又發

新芽只

摘兩三編靈根夏永金莖茂仙藥秋收古幹慳直
待來年頻發育慇懃又獻

聖人前

靈關古詩

失名

諸葛提兵大渡津
河流禹鑿迥如新
彩雲城郭了

無跡黑水波濤亦有神象馬遠來銅柱貢犬羊不
動鐵橋塵靈關在眼平於掌歲歲蒲桃苜蓿春

武侯祠

陳經

諸葛當年入不毛大軍曾此駐旌旄忠貞應感居
人祀擒縱誰如妙筭高古樹拂雲迷畫棟荒山帶
雨映緋袍悠悠漢祚雖堪嘆自是人龍一代豪

佛圖山

李東陽

間訪維摩不二禪青驄時上佛圖巔山前山後重
重景城外城中淡淡烟霜雪不欺栖鶴樹塵埃難

近講經筵飲餘回首下山去雲鎖柴扉月映山

視叔丹仙于沫江

陳思來

沫江日夜響東流鐵索橫飛跨上游世路險夷空
裡渡人生踪跡斷中浮天涯何處無青盼故國誰
能老白頭一自相如通策道幾回車馬野雲愁

老君溪

李東陽

老子猶龍神莫測宿溪仙跡自誰傳青牛遠遠從
關出紫氣融融向日邊道德一經開後聖色空二
字泄先天流沙西去不知處遺像猶然覩逝川

英烈侯廟

程一

曾助天兵一戰功，孽龍殄絕海西空。
華夷祀典崇，礪郡誥勅褒封出帝宮。
祇許松筠環殿宇，肯教燕雀近簾櫳。
幾回敬把椒蘭奠，仰止英風思不窮。

景蘇亭

高文林

百代光陰一擲梭，景蘇亭枕古梅坡。
當時爲仰名賢立，此日還邀夙駕過。
父子休聲馳海嶽，弟兄間氣萃岷峨。
眼前物物皆成畫，不見先生悵望多。

竹坡亭

程一

邊柝年來夜不驚竹坡公暇憇餘情凌雲節操關
時重絕俗韶音入耳清栖鳳影搖金瑣碎化龍枝
長玉崢嶸七賢六逸今重在獨坐林間待月明

前題

趙壁

使君風致此君同手植猗猗玉作叢滿地陰涼浮
枕簟一天青翠罩簾櫳琅玕影弄初昏月瓊珮聲
馳近午風况喜殊方無俗到平安日報主人公

懷葛樓

高文林

千載精忠說武侯每於政暇一登樓窻開八面晴

雲曉簾捲三邊瘴霧收苦節非因妻子累委身只
爲國家憂懷思未遂恢弘業不盡長江晝夜流

奎章閣

前名

高閣巍峩接大荒芳傳百世貯奎章風搏御墨竈
雲錦龍衮宸文煥日光朱拱三千攢翡翠雕闌十
二護琳瑯使君不盡籌邊志還有絲綸出未央

雲頂清涼寺

石泉居士

閒來古寺作山行塵土消融心自清空外野雲千
萬片坐中歸鳥兩三聲地偏蘇傳題難盡境好王

維畫不成還有上方登未得何時刻約再來情

永福清涼寺

劉清

梵刹嵯峨倚半天平臨遠接蜀山川法輪轉日周
三界聖壽齊天祝萬年殿閣從教霑雨露邊庭且
喜熄烽烟高僧久得禪中趣知是西來第幾禪

前題

陳述

布地金銀佛寺開關西孫子福田培祝筵聖壽齊
天久罄竭忠良率土來甘露曇花飄綺席碧雲祇
樹擁香臺偷閑幸得逢僧話踏破松陰一徑苔

前題

程一

名藍清絕半山開
草樹陰森不用培
地僻長邀天
使過門閉不許俗人來
銷餘古鼎香生袂
了却殘
經月滿臺我若有緣分
半榻脫巾終日卧蒼苔

慈朗寺

小引

余澤

天全慈朗寺乃前西僧奏請奉勅遣內臣
所建也招討高茂才重建前殿約三大士
像金碧輝映雄冠一方予與亞叅董公按
其地偶因公暇同遊覽焉遂成一律以識

歲月云

老僧本是西來客喜結天全不世因
聖王推恩興寶刹使君捐帛幻金身
千山擁翠迷雲遠一水拖藍繞檻
新得與故人同眺賞悠然胸次絕紅塵

前題

高文林

肩輿直上清涼頂聞話三生未了因
誰謂遠公無巨眼却疑蘇子有前身
山泉寒噴銀珠細林笋香生玉版
新寄傲多時促歸去春風滿路踏香塵

前題

高勳

踏破苔花遊寶地，月團烹雪話前因。
看來塵世奔波客，爭似僧家自在身。
簾捲軒窗山色靜，鏡蔬畦圃芋苗新。
盤桓已久還歸轡，贏得心無半點塵。

前題

釋明源

七寶連臺製作堅，翬飛殿閣雨花筵。
捲簾日照金沙地，翻貝香飄寶篆烟。
礪響笙簧清滌耳，山開圖畫翠磨天。
老僧寄此全無報，願祝皇圖億萬年。

白虎懸崖

胡聯雲

峭壁嶙峋不可攀，何年金虎踞其間。
炳文屢變風

雲色素質常餘冰雪斑誰復控弦能射石無人採
藿漫登山只今不肯歸林去俯瞰邊城鎮百蠻

羅城朝瀑

羅城山勢鬱崔巍瀑布晨輝響若雷萬斛明珠隨
處灑千條素練向空堆探竒漫問匡廬去尋夢疑
從山淙回自昔雨暘占不爽終朝凝望白雲隈

姜城夜月

片石何年追琢成宛如半月地中生相傳鬼魄同
弦望自有瞻光共晦明酒醉欲尋吹管客詩狂州

憶昔鐘聲姜侯義胆同秋月千載能忘想像情

萬斛湧泉

龍門平地噴清波咄咄頻來不用呵萬斛淵渟方
習坎一泓澎湃已盈科汲來井里分甘露流出山
溪作巨河不是同源星宿海就中定有蛟龍窠

過天全樂其風土之美

曲曲溪流疊疊山風縈水繞作重關乃知蓬島非
天外不信桃源卽世間魏晉有時丁俶擾羲皇無
日久清閑宦遊已倦身將老願得此中一釣灣

牙少乃志
卷之三
三
慈朗曉鐘

尹東夏

漏徹蓮花報五更
祇園欲曙吼長鯨
一聲隱隱雲
間落百里紛紛道上行
孤榻已無塵
夢擾小窻猶
有曉燈明
遙思此際趨朝侶
曳履星辰樂韻清

落溪晚渡

程一

落溪溪下木蘭舟
晚渡紛紛不記秋
夕照半篷斜
兩岸烟光一抹暝
中流趁墟客散碧槐市
赴供僧
歸紅蓼洲
偶與故人同眺賞
浩歌驚起渚邊鷗

禁門瀑布

兩峯並峙勢崔嵬飛瀑中流玉峽開明月滿空
瑞雪清風萬壑吼春雷涓心只許莊生識洗耳不
妨巢父來我亦當年愛泉者眼前無物是塵埃

雲頂虬松

雲頂峯頭萬個松年深樹老走虬龍層層鱗甲風
霜古簇簇髭鬚雨露濃宰相曾符丁固夢大夫不
碍始皇封夜來霹靂空中起只恐飛騰上九重

遊靈山 二首

張啟鼎

鷲峯石起萬層巔上得巔來惟有天躡足分苔尋

古跡低頭撫石聽流泉沙門供瑞靈偏應枯木生
春色倍鮮細問來由何自得老僧指點說因緣
粹到此山欲盡收幾多風物自相遊龍蟠虎踞峯
峯秀鳥喚猿啼處處秋有氣泉岩如應答無心花
草恁沉浮新晴照得山光好極目長林看日頭

姜塚

竹全仁

九伐中原世重姜得收斗胆莖蘆陽山高猶憾乾
坤小水遠如流節義長比幕李陵難與北西湖武
穆始堪方前人誤謂非公塚俠骨忠魂何處藏

功績詩 有序

李翰章

屠侯定疆死難之後適先公必欽彥虎解
綬歸蘆凡胡龍奏分山水之界與汪尉建
城鑿池一一皆出其經畫及與屠侯建祠
碑記皆出手筆予不敏作詩以識之

憶昔六番犯界時潘桃王李盡歸司屠侯義勇甦
民困汪尉賢能叛治基一死千秋留正氣四城百
世倚湯池才猷經畫悉吾祖附尾芳名卧斷碑

贈郭綸權嘉定州鹽稅

蘇軾

河西將士無人識，旦暮津亭閱過船。路人但知驄馬瘦，不知鐵槊大如椽。因言西人久不戰，截髮願作萬騎先。我當憑軾與屬目，看君飛矢射蠻毡。

武侯祠

蔡守愚

丞相南征奏凱還，至今廟貌在人間。孟山瘴掃狼烽盡，相嶺雲開鳥陣閒。萬國梯航通白帝，千秋伏臘走烏蠻。重來欲問封侯事，愧我談經鬢已斑。

羅城朝暴

竹全仁

蘆陽朝瀑見羅城，世代仰瞻卜雨晴。萬斛明珠隨

意洒數尋白練自空生前知造化真先覺時出淵
泉繞畫城蘊蓄雖高人莫訝源流潔好幾千真

佛圖聖燈

何事聖燈出佛圖山靈嶺上獻明珠御蓮寶座誰
能撤玉燭金甌信可扞天眷遐方欲炳蔚時逢盛
代啟苞符郢書燕語人休笑但願常明萬古無

姜城夜月

姜城夜月吊忠良一片赤心映月光精白逢秋神
更爽清明遇夜魄流芳九征爲國分圓缺一計酬

君洗晦以歲歲金風丹桂綻不知是德是花香

三江魚躍

三江魚躍大方稀主峙開山一石磯鼎足湍流成
月窟修鱗騰化入朝暉何勞渭叟來垂釣却與嚴
灘命意違欲赴龍門權小試豈同貪餌褻雄飛

桔槔翻水

人巧偏能奪化工却教天一出長虹輪流不與渾
儀異吐納猶堪太極同綱目畢張惟有本後先循
序更難終轆轤小試旋乾手澤被郊原慶歲豐

白虎懸岩

懸岩白虎鎮雲峯刻畫已成不類庸前導旌旂殊
顯耀畢全首尾現威容日霞掩映文猶炳溪水咆
哮風尚從應是渡河留影跡千年未許碧苔封

八月彩樓

山城鼓角忽囂囂月殿中秋駕海濤八面玲瓏空
際舞四圍錦繡市中放庾亮風流猶自滯元龍品
格未爲高岩疆素仰驚天柱百足登臨不丁勞

七里奪標

秧標插處燭熒熒誰把冬儼變踏青豈爲蟠桃成
戲局實因祈穀開山峒八門排起風雲陣一鼓齊
轟步伐營邊地輿情多好古千年百室應寧盈

神禹漏閣

大禹旅平越蔡蒙爲留漏閣著神功飛仙關外簾
垂雨禾水崖邊蓋揭龍破石直穿坤所底汝潮竟
與海相通始知古聖傳名處不與尋常淺近同

金閣聳翠

邑中金閣聳雲端洵是山城一巨觀曲檻凌霄巖

煥彩攘題映日永流丹來龍七里鍾靈遠筆鎖
正眼界寬特立風光頻仰止遐方氣象耐人看

萬斛湧泉

萬斛誰云是湧泉平疇幾處吐雲烟清流大海
加故澤被人間不計年亞父絮才成話柄蘇文
或入長篇孕靈堪與老翁比更有何人以地

八步天險

天險關頭未易覓森叢步驟腦風塵有誰
前後無敢半塗自可仙子建詩成猶未到武周兵

制似難循王公守國宜如此鞏固皇圖萬萬春

讀西山先生湘江亭宴十二邑宰詩 陳表

龔黃亭魯古稱循也只安民不害民蜀道蘆山形
勝險韓尚董卜輔車隣同胞正切雲霓望出宰當
充憫隱仁後視今猶今視古須求無愧古今人

附真西山湘江亭詩

從來官長與斯民本是同胞一體親既以脂膏供
爾祿須知痛癢切肯身此亦素號惠爾古我輩當
如漢吏循今日湘亭一

蘆山聳翠

李一本

萬山深處見蘆峯，可是夸娥昔厝功。
嘉植向榮青靄靄，茂林倒影碧葱葱。
雲來氣與巫山接，月出光和雪嶺通。
最愛烟溪淡後渾，如卓筆倚晴空。

姜城夜月

羸嶺周圍月上遲，漏聲皎皎玉孤碑。
度林竹影玲瓏見，窺砌花陰瑣碎移。
光浸樓臺連雪湧，香零簪漢任風吹。
遙看老桂娑婆在，待我高板最上枝。

過佛圖山

竹郎齋

行行且止舉頭看石佛如生坐得安
威鳳鳴風擬竹響蒼龍繞壁似藤
蟠道傍境界幽而遠遊子心腸淡
亦寬幸有倚門衲子啜茶教我且停
驂

宿竹全仁山庄

孫雯鏡

白雲深處有人家迥絕凡流世事
麻吹笛牧童橫短竹啣香野鹿試
新花客至煮茗忘俗慮詩成酌酒
論文華知君豹隱南山霧且卧松
陰石枕斜

前題

段朝偉

雲鎖蘆溪處士家門前三畝種桑
麻兩行幽趣排

修竹一院書聲隔落花茅屋數椽塵不染主人幾
代朴無華漁郎悞入桃源宿聽說嬴秦到月斜

竹全仁春園賞牡丹

黎廷相

數朵名花映粉牆一枝天秀吐聯芳風流不減姚
黃盛艷麗爭傳魏紫觴彩筆曾經學士韻金襴猶
帶美人香何時雨露欣承寵共醉花王錦繡傍

前題

樊澤遙

丰姿矯矯露東墻無限幽懷氣自芳春發玉樓推
獨步日臨金谷舞飛觴放開嫩葦滿園秀散入人

閒到處香艷質原來生有異乘風吹向聖君傍

前題

竹全仁

幸蒙青眼盼門牆富貴花開朵朵芳爲淡爲濃呈
異彩半收半放映霞觴人間漫道渾無色天上誰
云別有香總是春風嘘四座終朝如在御爐傍

鐵索橋

精金百鍊掛長空雨霽江邊擬是虹信步無心登
道岸憑虛有路入蟾宮採蓮謾說洛陽景噶斷難
於漢將難言平御史今如面清白長流自向東

佛圖聖燈

胡連雲

佛圖炯炯夜光生
傳說銀燈向夜明
無數珠蓮入
九點有時星列兩
三粲金波若畔朝
來遠靈鷲峯
頭掛去輕川岳
鍾竒原不測
長留寶炬照山城

三江魚躍

水會三江一禹門
錦鱗游泳若雲屯
乘風破浪誇
神鯉鼓鬣騰空羨
大鯤幾見施風浮
綠水漫勞垂
釣自黃昏
桃花春暖揚揚去
踴躍還同沐聖恩

桔槔翻水

巧駕車輪百尺牢江濤連轉日滔滔千畝原田資
灌溉八家同井足恩膏水行不用推移力旱魃無
煩禱祀勞執里連鄉堪入畫耕餘把酒共醅醕

八月彩樓

西山取竹結岑樓衆手昇來里巷遊乍看金莖多
五彩轉疑寶塔掣三洲隆平氣象民情繪錦繡乾
坤月色浮四十八臺競勝罷滿城歌舞樂中秋一

羅城朝瀑

王心廣

東山如帶號羅城飛瀑傾泉水懸掛津彩散林巒石

吐沫雲橫嶺岫澗拋珍雨晴可卜占盈縮晝夜無
常自屈伸碧湧銀河霄漢至早潮一望見天真

佛圖神燈

佛岡山嶺夜飛光點點明燈朝朔方灼耀高騰星
燦燦精華遠照月煌煌火燎霄漢冲牛斗燄撥雲
霞映壁璜敢是如來說法處天花亂墜到蘆陽

白虎懸岩

千仞石岩跨遠村遙瞻一虎向大門碧旂雙領和
雲引玉鞞金彪帶雪奔皎皎爪牙擎日月明明頭

尾盪乾坤姜城知有劉昆令比渡於今萬古存

姜城夜月

皎皎水輪不染泥厭從山出與雲齊姜城垣內精
光現伯約祠前皓魄棲玉兔無端降地角仙娥何
事摘天梯總由斗胆冲霄漢明月飛來直代犀

神禹漏閣

禹甸山川垂遠功景傳漏閣真玲瓏石岩只透馮
夷宅地脉巧穿溟島宮嚴道縣中留古跡飛仙關
內見神工巍巍蔡蒙夾相望閣外長汀聲自雄

萬斛湧泉

混混清泉萬斛騰隆冬凜冽未成冰穿田小浪灌
禾茂放海微濤澈底澄有本不從山下吐無原豈
向地中升蘆江聖水芳名在時出還同一樣稱

八步天險

懸岩八步下汪洋天險生成控遠方傾壁羊腸石
擦耳尋階鳥道屐踢裳孔明陣勢還成律伏羲卦
圖猶有方只此山間一蹊徑飛廉捷步亦徬徨

桔槔翻水

一輪蛛網傍江河，輾轉岸頭携手過。吐納多情含
湛露，循環着意在嘉禾。功多疆畝東南畝，巧奪天
孫織錦羅。不雨何愁一日盡，激來勺勺是恩波。

登周公山

葉桂章

春日根尋雨後山，翠微只在望雲間。漁舟遠集從
江渡，鳥道遙隨曲磴攀。小隊元戎憐共往，輪軒客
子喜乘閒。臥龍欲作岐周鳳，千載空餘虎豹關。

入雅州境

曹掄彬

褰帷叱馭歷間關，五馬遙臨庶姓看。百結鶉衣人

自古萬家烟火景非殘
文翁化蜀憑文教管子籌
邊恃攘安自分樛材肩
任重素絲永矢舊酸寒

謁丞相祠

前名

丞相祠堂署雅州斗山
巍望古今留當年狐鼠腥
羶去今日衣冠輻輳遊
相嶺英風嘶戰馬瀘橋鐵
鎖障狂流平羗渡口銘
勲後千載南人戢異謀

留月齋新成

前名

小齋留月夜來明
舊屋新栽補綴成
地爲沾泥鋪

石徑簷愁射日倩楊棚
齋前有楊樹
露臺遠挹南

一珠甚茂

牙少乃志 卷之六
山色風竹時聞北水聲草榻何堪高士下陳蕃今

喜遇徐生

適延幕友許昌
運即寓此齋

奎閣落成喜賦 二首

前名

碧宇巍然矗太清斗牛光射耀文旌
蔡蒙秀列東西嶂日月屏開南北城
數仞宮牆當地迥萬家

烟火接天明要知此後多青紫
奎閣於今喜落成

樗櫟粗堪脩厦椽敢言一柱擬撐天
應憐獨立空依傍爲感蒼旻覆瓦全
丙穴有鱗看鼓浪丁峯無霧湛晴烟
何時造極憑欄眺大地河山歷眼前

次前韻

雅安令

董元會

綠檻朱欄映碧清
奎光焜耀麗麾旌
蒙山北向環京闕
羌水東流繞郡城
樓閣參差雲外迥
斗牛璀璨月中明
人文萃秀蒸然起
哲匠當前幸玉成

雄才高掇筆如椽
砥柱中流聳碧天
九曲迴廊沾厦庇
一方編戶荷安全
臨江畫棟依潭綠
近岸丹楹籠霧烟
奎閣騰輝憑眺遠
水天一色大河前

次前韻

名山令

高第

文翁政教歷時清
天際邊陲樹德旌
舊日經樓述

荒徑新栽奎閣壯山城霞飛鸞鴛文光燦書吐麒
麟聖道明從此青衣雲物地盡憑鐘鼓一陶成
梁棟巍巍集萬祿高凌城郭煥巴天欄開江上詞
源澗門拱宮墻道脉全大雅經營暉德曜斯文山
斗湛晴烟承風獨逸弦歌事慙對奎光十載前

次前韻

蘆山令

吳班

文嵐縹緲署烟清奎閣巍然聳畫旌俯首珠光舍
合浦高冲劍氣擬豐城暖翻桃雨羗江滿雪照梅
魂塞月明何日鶴琴携最上雲和若聽半霄成

簿書八擲筆如椽喜賦樓成尺五天射斗文章原
世用摩雲事業賴賢全絃歌簇簇千籬月耕織融
融萬井烟報績擬從京國去金貂可解醉花前

次前韻

府教授
花世賞

羗水灣灣抱郭清福星遙至領千旌巍巍柱礎高
千古藹藹仁風扇六城重振鬢宮時雨遍鼎新奎

閣啓文明蔡蒙英俊聯翩上感切文翁樂育成

珥筆彤廷羨史楹雅安傑構頌堯天萬家生佛來
何暮百尺岑樓幸已全高閣凝霞飛彩鶴鬢宮對

峙起祥烟文光從此冲牛斗
紆紫拖青校盛前

次前韻

名山學博

賈瓚

奎閣重輝爽氣清
萬人瞻仰擁干旌
三層畫棟臨
羗水百尺危樓壯
雅城北望蒙山昭
瑞靄南觀坪
月燦文明工師選
木多楨幹坐倚雕
欄樂化成
雕榭刻棟復塗椽
點綴遐方錦繡天
遙接宮墻增
美富重新奎閣慶
周全月心桂子垂
金粟沫水鱗
遊噴紫烟試問上
南春幾許文星高
照畫堂前

次前韻

蘆山學博

楊謨

奎閣連暉曙色清高標香漢搗文旄德音丕播彌
疆域雅化宏敷洽市城六詔卽今多富麗三江無
處不通明竚看月殿香風起更入瓊樓頌有成

萃起奎樓偃畫椽峩眉高並插南天風遙鈴閣揚
休遠霞蔚掇題集錦全黎火盈窻懸爛熳筆花充
棟吐雲烟我來仰止平羗上不異巍巍木署前

次前韻

鄧麗璋

劍閣冲霄一氣清奎光燦燦駐干旌渾疑上苑題
名塔不是籌邊落畫城日射雕甍飛鳳彩烟籠紫

禁煥星明懸空山斗凌雲筆點化人文錦繡成
學如滄溟筆如椽點破桃花浪裏天盖世功名推
獨步掀天事業荷肩全層樓上出千峯翠飛閣流
來萬井烟培養英才蒙厦庇登臨直到御階前

次前韻

蘆山尉

朱維翰

奎閣嵯峨接太清文昌遙駕旆雙旌蔡蒙列戟冲
牛斗羗沫拖銀繞郡城巨室工完千載慶書厨燦
設五經明試看輝映宮墻近啟佑人文集大成
或爲擗角或爲椽碧瓦琉璃勢挿天獻技工師方

奏巧呈妍丹漆已完全樓高五鳳棲霞彩
衣織三山起翠烟此日賡歌隆岳牧爰知稷契在當前

次前韻

清溪舉人

李升階

蔡蒙翠染一江清奎閣凌空樹錦旌棟宇巍
峩輝鳳闕宮墻拔峻壯金城筆花應吐珠璣秀
墨浪翻騰日月明從此文星欣朗照邊疆齊
頌治功成

奎星捉筆大如椽點化人間不夜天幾載
灰頽悲慘淡一朝金壁煥周全江花夢吐珠
璣秀蘇海文翻錦繡烟蔚起南山競豹變
文翁且喜過當前

次前韻

諸生王繡

官清一似碧天清
驄馬行來暫駐旌
巨室庀材需大匠
擎天偉業倚干城
仁之被處陽春麗
政所敷時旭日明
白是彩雲都毓秀
奎樓掩映樂新成
文成白鳳筆如椽
引領儒林陟九天
碧炤亭前堪步武
熙春堂啓荷恩全
看花上苑明珠色
耀日雙鳧麗彩烟
千載文翁今復覩
鬢宮草木盡光前

次家太守奎閣落成志喜元韻 曹掄翰

太乙黎光入夜清
雅安高閣駐文旌
平羗浪息需

藩砥金鳳花開耀錦
極倚天廣
厦覆星明鍾靈民物多佳氣會看閭閻樂阜成
奎垣交筆大如椽爲黜青衣署木天碧宇連雲肯
構巧丹楹煥彩化工全東來紫氣供佳興北擁蒙
山挹瑞烟花萼有樓差共迥却教輪奐羨於前

前韻

黃平諸生

曹掄文

傑閣巍然聳太清奎星朗耀樹干旌層層岫擁環
金宇曲曲江流繞玉城萬戶笙歌鳴夜月千年泰
運啟文明功參造化重修建喜動編氓快落成

漫道奎樓僅數椽巍然文筆插遙天豐功異日垂
千載傑閣於今慶萬全帶水環流翻碧浪蒙山聳
翠起祥烟地靈自是鍾人傑甲第科名盛過前

前韻

黃平諸生

曹掄慧

高閣凌空塵氣清四圍如畫煥文旌影涵帶水平
羗浪勢並蒙山鎮雅城不道雕梁雲燦爛還看文
治日光明人來拾級憑虛望壯麗重暉快有成

杞作雕梁梓作椽新成高閣勢摩天
甃甃甃石經
營人肯搆肯堂次第全瑞藹丹山看鳳翥祥開丙

穴益雲烟高懸奎筆朱衣點應卜科名遠勝前

前韻

竹全仁

文運天開翊大清玉堂攬轡展行旌杏壇紫電流
千古鄴水朱華照百城蒙頂風高秋色永平羌波
靜月光明庀材結構宮牆重勝地絃歌賽九成

熙春碧照頌風清布化宣猷暫駐旌已與斯文作
主將還爲聖道樹干城溪山大木三生幸奉使工
師四目明遠近望之瞻斗極期年教養必兼成
駢麗雄才筆似椽斯文感憤戴高天賢關自古無

荒徑聖域於今有大全功與蔡蒙爭鼎峙力爲守
宙掃烽烟劍南勝槩愈增美四射文光不比前
黃岡漫說竹如椽武庫明分先後天半壁有星垂
覆庇四郊無壘慶生全桂花月殿飛香兩柳色宮
墻燦綠烟自是樊雷何足擬竚看絕後又空前

赴雅省親適奎閣落成勉賦一律

黃平舉人曹海

爲省嚴親赴雅安躬逢盛舉閣初完翬飛雲棟台
星燦秀接江天碧宇寒已聽絃歌知學道竚看文

織樹雞壇得隨
詩禮林舞
士女歡

送炳菴曹年作
守雅州二首

常州廩生

劉星槎

建安文藻夙聲名
拜命分符劍閣行
邊徼只今需雅化
循良從古屬儒生
沙羅花暖陽春遍
蒙頂茶香宦况清
此去鄉關欣不遠
天南銅鼓白雲橫

一路官梅綻隴頭
巴童欣看使君遊
黎風雅雨車前播
山色江光戟外收
叔度固應臨蜀郡
髯翁曾是領湖州
辟支壤接松潘近
五袴還聽異域謳

東壁星移井絡中山陬粉澤要詩翁
栞臺劍閣新移鶴越鳩甌江舊扇風竹
裡行厨鮮丙穴花前官酒闌
鄆筒會看報最膺宸眷司馬重來使節雄

雅安登眺

前名

旅平舊壤古梁州大渡河環郭外流
孟獲峯前橋

七縱

孟山下有七縱橋

周公山上廟千秋平羌波靜安夷

落蒙嶺雲開敞郡樓西望辟支諸域遠
岷嶽九折出關頭

雅州舊八景

曹掄彬

蔡山洞裡玉龍藏
蒙頂名茶茁石香
丙穴嘉魚看北徙
龍門威鳳向南翔
靈泉白馬嘶芳草
丹灶金雞噪夕陽
霞彩元空呈色相
一輪秋月照平羌

雅景雜咏 二首

前名

炎暑蒸人乍雨涼
一方物候異他鄉
三春螢火簷頭照
四月榴花戶外香
城市有街惟砌石
山家無地不栽桑
蔡蒙半嶺冬無雪
婦負草担茶下夕陽

水轉峰迴暗綠蘿
衙齋幽靜景婆娑
戶開早有顛當守
花落時看鳳子過
竹引山泉通灶甬
樹棲水

烏雜鴉窠風光一似黔南好撩起鄉思可奈何

螢火虫

前名

何嫌腐草化身竒曾向瓊林點翠微
我丹心明暗室任他幽魅獻重帷
報君曩革何生惜教士囊燈示化機
自分此軀同燭火千秋萬世有光輝

鴈字 二首

前名

橫斜影逼大羅天墨氣森然鳥跡傳
聚處大書銀漢裡散時小草曲江邊
春秋風雨聯成咏南北山川可當箋
寫到寒汀方住筆朦朧月色正高懸

北海南宮一筆刪別留真跡在人間體兼蝌蚪含
蒼態勢走龍蛇帶露斑爲篆宮詞穿御柳特書民
疾獻天顏分明一幅天然字爭奈人多目等閒

元日

前名

天半朱霞罩碧空人從王會慶乾隆堯奠四紀千
秋永帝燭長調萬象融舊事漫勞追悔恨新猷煥
發氣崇隆老來喜際昇平世還擬傾葵向日衷

人日東家南仲大姪

前名

漫撥爐烟裊篆香捲簾時愛好風光靚粧畫鼓繁

華市綵勝宮花錦繡鄉綠染柳袍春色嫩白飛梅
鈿化工強人生若得長人日幾度偕君醉草堂

清明

前名

東風催放艷來禽情感流鶯囀上林帶綠柳枝飛
彩髮踏青草色豁塵襟人携担饑墳前飲我爲思
親客裡吟一自亂離辭故土先隴冷落到如今

天中節偕友觀競渡

前名

畫閣公餘絕世塵閒居鬪草適天真榴花瓣墮紅
于珀蒲劍英抽綠映人細葛香風織力軟嫩荷浮

水薄錢新相邀河畔觀競渡岸柳垂絲裊釣綸
薰風披拂五雲樓醉飲蒲觴選勝遊金勒馬嘶青
草合玉河沙帶碧烟流粟爲角黍分黃白木作龍
舟闕去留吹竹彈絲歌樂土渾忘匏繫在邊州

七夕二首

前名

清秋七夕錦雲鋪試問天孫到也無暫把金梭拋
此日到來銀漢會斯須登仙緱嶺應乘鶴泛月靈
槎不倩颺堪笑女郎爭乞巧古來誰果見黃姑
寒砧日暮漸催忙人老秋來自覺涼詩不成家終

是癖酒能得病只因狂池花搖映亭斜影江水浮
空月泛光寄語嫦娥遲日散明朝還欲盡餘觴

中秋

前名

三秋此日恰平邪天柱峯高雁影斜曲奏潞州傳
玉笛光沈匹練現金臺東坡作調忠初見庾亮登
樓興正賒好把桂觴酬令節碧天明月照牕紗

九日登高

前名

邊城綰綬閱三秋漸起瘡痍懨遠眸省歛盛朝
多惠政登場婦子少窮愁夢回池草來同氣

時台望西

休雨弟兄
帽落山頭
笑伴儔醉
把茱萸看仔細
明年可許再圖遊

除夕

前名

醉飲椒觴興轉添
一年好節此時全
他鄉送臘纔經歲
異地迎春又度年
細嚼梅花香自遠
濃煎椒味偏妍等
間試看三更月
新舊分來恰兩平

早耕

名山諸生
陳天璋

曙色將開氣尚昏
呼童負耒出柴門
霧迷芳徑行無跡
露滴花稍葉有痕
滿地溶溶殘月淡
一天颯

颯曉風溫隴頭半畝犁初畢始見吹烟發遠村

五言絕

謁張亞子廟

李義山

下馬捧椒漿迎神白玉堂如何鉄如意獨自與姚
萇

經相嶺口占

果親王

奉使撫西戎嚴冬登相嶺古人不朽名千載如斯
永

偶興

曹掄彬

褰帷赴雅州時塵冰淵慮失足便差池聲名從此
墜

老志戀名韜非關兒女計不獲在一夫溝中內何
貫

無德民難化強將口舌爭春來催布穀啼血到三
更

文連邊隅蹇逢秋鹿不鳴爨桐欣可鑿須賴匠
成

七言絕

蒙頂

葉桂章

數朶芙蓉插半天一雙龍象擁青蓮尸骸已解餘
丹灶老衲當年卧石泉

棲霞寺玉液泉廻文詩

王舜田

前山古井露開蓮井露開蓮玉液泉泉液玉蓮開
露井蓮開露井古山前

題紫府飛霞洞記

前名

飛霞龍洞接靈關變化文昌第一山仙馭幾時回
天府猶餘詞翰在人間

紫府青霄花鳥香
偶然人世假雲房
銀鈞鐵畫真
仙筆夜夜光芒映斗旁

洞府幾朵玉芙蓉
紫蓋光中繞六龍
留得雲章傳
萬古燦然雙壁是文宗

名山竹枝詞 十首

徐元禧

漏天難望蔚藍明
十日曾無一日晴
剛得曦陽來
借照陰雲又已漫空生

一年活路是農工
麥隴菜畦也不通
更恠圈牢都
懶設牛羊霜宿野田中

溪山不少木輪囷半委荒墟半作薪却把纖纖筋
竹子架成茅屋暫棲身

黌門初闕得挨身掉却書囊嬾更陳自道半耕還
半讀帶經鋤月又何人

山鄉最苦是差徑比戶挨門不肯饒但得兒郎年
十二公門進步便逍遙

報畝惟憑一紙詞田連阡陌力難支十年砂礫還
依舊又被豪爭到法司

迺荒久已委汗萊十載冷灰又起矣若道祖遺須

郭外青山幾曲幽，芙蓉當殿暮霞流。
相招石簡龍文在，肯負仙靈汗漫遊。

甘露井

葉桂章

一掬靈湫天上來，數莖仙掌削蓬萊。
行雲行雨飛金相，踞虎蟠龍繞鷲臺。

戲題書齋種瓜

陳天章

空砌無心試種瓜，傍墻依樹亦閒花。
不無少助盤餐味，豈效東郊老圃家。

過榮經 四首

王蓋

嚴道孤城向水開翠微一望隱樓臺千峰南去環
江上二水中分抱郭廻

青衣原是漢西門四面千山萬壑奔負矢健兒多
猛氣自言曾破六羗番

山頭石洞鎖雷王地上蛟龍不敢翔一夜青天飛
霹靂滿江白晝起滄浪

瓦屋千層似削成仙人開戶石鄰鄰晚風吹下丹
爐火散作華光萬丈明

尹孝子祠二首

虛堂倚在大江濱古木藤蘿映夕氛俎豆舊祠周
孝子歲時誤說白將軍

江畔行吟江水深滿天秋色結寒陰山禽啼落千
峯月祇爲高人訴苦心

過秦白起祠二首

徐元禧

降兵不義應誅絕何惟武安廟寢成血食千秋綠
好殺也將一劍報長平

生爲名將死爲神廟貌如新殺氣騰亦念長平屍
百萬冤魂繞屋哭陰燐

題玉鳳祠

張維斗

七縱橋邊廟宇輝
天威自合貌忠魂
殺降不武雷
神怒翻奪卧龍一席尊

庭中茴香

二首

一枝碧玉蠹庭心
髣髴髮鬢鬆
裊亂雲幻出奇香回
味好伊蒲饌
罷誦靈文

謂是蓮鬚無此長
若疑柳綫無他細
綠雲繞繞更
層層幾陣風來香滿砌

邛嶽霽雪

晴春絕嶺有餘寒一帶山頭瑞氣漫
夜靜月華還共賞曉來玉壘許同看

龍池夜月

半畝山塘久著名曾聞當日有龍行
於今却愛蟾光照雲漢星移一鏡明

風洞濤聲

山根石竇斷岩西傳是飛廉素所棲
夜半忽聞狂吹發恍疑瀑布下前溪

大相嶺口占

宋觀察使

窮冬按部極西夷鳥道盤空積雪迷爲國憂民寧
憚遠萬重山裡到沉黎

越大岡山

果親王

已過連雲棧幾重何如首險大岡峯行人莫漫生
勞頓萬水千山不易逢

靈山天生橋

竹密

一派嶙峋接地生誰人不說是天成仙凡隔絕無
來往故說慈航渡衆行

馬鞍山

殿前天馬擁雲端
日出丹霞掛繡鞍
不是風鞭策
不動爲留勝槩古今觀

飛仙闕

甘來學

誰辨離堆不雅州
多功峽內看山頭
禹王治水真神力
劈破千層伏地流

前題

傅良選

飛仙天外御廻龍
要立靈山第一峯
好把佛圖懸瀑布
免教白虎肆威容

秋海棠

徐元禧

牙州府志 卷之六
紅嬌綠媚影卽當月下相看別有香思婦從來腸
易斷不如公子號無腸

飛仙關

前名

人非插翅誰能飛躡險騰空鳥跡稀我是肉仙飛
步慣天風颯颯欲吹衣

黑竹關

前名

爽道絲簇似黑服碧沉黃間任爛斑秦時明月休
相照鐵甲將軍夜渡關

沙坪鳳竹

趙壁

十里沙坪絕巘上
萋萋鳳竹霜雪培
展延今日修
韻樂未必中無嶰谷村

雲頂虬松

周鳳

十八公生長老坪
蒼髯勁節勢崢嶸
月明不許風
搖動只恐棲巢鶴
夢驚

周公山口占

王日魯

高峯晴翠浮蒼玉
古廟森陰倚碧空
侯自障狂齊
大禹我來何處夢周公

瓦屋山

瓦屋山高雲際來，飛巒疊障九霄推。興來獨立金剛石，雪海孤松翠作堆。

題紫府飛霞洞

王舜田

飛霞龍洞接靈關，變化文昌第一山。仙馭幾時回天府，猶餘詞翰在人間。

慈朗曉鐘

陳經

古寺蕭然景最幽，鯨音動處曉光浮。驚回萬里懷君夢，幾向紅雲望寃旒。

落溪晚渡

前名

芳草淒淒古渡頭，斜橋短棹謾橫舟。
萊公相業韋郎句，借問遊人誰與儔。

龍頭春日

前名

龍峯箭漢勢偏雄，頭角嶄然映日紅。
應憶攀鱗酬素志，瑞光春靄五雲東。

前題

高文林

日暖龍頭萬丈高，軒昂氣勢欲凌霄。
後來頂臂英才出，穩步青雲奪錦標。

象鼻秋嵐

陳經

山如象鼻勢騰騰應訝高秋爽氣凝萬斛雲烟青
未了一聲何處嘯孫登

白崖聖燈

壁立蒼崖萬仞高夜燈何是影搖搖滿空紅葉應
觀竟未許浮光徧九霄

玉壘晴雪

西南保障一峯孤雪霽瓊瑤映玉壺况應太平豐
稔鼎使君吟望樂于予

禁門瀑布

周鳳

織女機裁白素純天風吹落在人間一條界破青
山色千古長爲瀑布看

前題

禁闕崎嶇天一池飛泉倒瀉玉虹垂滔滔亦有朝
宗會寄與岷江好護持

前題

高文林

百丈飛泉玉練垂年年清響禁門西長懷血戰歸
來日曾挽天河洗馬蹄

月山

花氣芬榮鳥語蠻我來拄笏有青山山前流水水

中月並作清光屋下環

天王寺

柱上塑羅漢降龍爪甲如活一日出寺戲水歸尚未復其原跡適僧見舉斧打其一爪殿柱壁裂其形現存

竹顯勳

四靈分得一靈尊不渡禹門渡法門何事應真能
拘束雨花臺畔卧祥雲

沫水環清

張斐

一泓清徹碧於苔環繞山城腳下來春暖魚龍爭
變化朝宗東去幾時回

姜城夜月

雲端捧出爛盈盤古桂香中老影寒
午夜清光千里共姜城人倚畫樓看

夏日同守戎吳縣尉蔣衿士竹訪耕雲上人

飛觴唱和各成三絕

吳簡敦

不避烟煇馬上來禪房幽靜鳥聲催
竹林七士今逢五我且携僧破綠苔

竹林溪處鳥緝蠻今日纔偷半日閒
大醉不知歸路晚天綠應否恠人慳

竹林今日少吳生我且今朝得縱橫
三萬六千渾是醉醜陶此夕可忘名

和韻

竹全仁

得附將軍驥尾來詩題紗籠不須催晉人風度今
重識勝紀千秋映碧苔

不效樂天舞小蠻沙門繫馬有餘閒壺歌抵掌成
嘉會斗酒連吞敢吝慳

閒訪禪關興趣生松陰斜經小橋橫自從題句長
廊後山谷兒童識姓名

清明日游府劉雅安大尹董見邀游平石壩

踏青 二首

曹掄彬

春苑鶯聲上柳枝青郊草色影帘卮曲亭載酒酣
遊興踈竹敲風日暮時

雲晴日朗賞花天古寺遊來景萬千小坐綠茵聞
鳥語蠻歌聲起夕陽邊

看花不盡愛花情杯酒狂呼竟日行鳥解風光呈
野趣歸途林壑辨鶯聲

竹夫人

前名

分明錦帳滿床春體態修長恰稱人夜半欲生巫
峽夢空勞雲雨不相親

玲瓏百節體堅全可意卽君買伴眠莫謂妾身無
以報冰心夜夜獻卽前

爲卽消暑伴卽眠只恐秋來卽不憐多少世間輕
薄子熱時相愛冷時捐

白梅

前名

冰玉爲姿鬪雪光倚欄想見美人粧羞將脂粉污
顏色清白長流萬世芳

紅梅

凌霜傲雪絕紛拏
古幹逢春一度花
月下美人誰顧盼
暗垂珠淚惜年華

風箏

紙膚竹骨線絲牽
勢欲凌霄聽自然
倩得東君風力勁
扶遙直上九重天

澗底松

盤曲磳砑傲雪霜
倒垂澗底影蒼茫
臨流莫認形如幻
海內于今擬棟梁

金雞橋二首

前名

金雞橋上金雞啼
五色爛斑伴月棲
只爲濟人來
托足暫將身寄五雲溪

休將塉堞擬凡雞
不受牢籠世網羈
得勢便教飛
舞去冲霄會見與天齊

詞

瓦屋聖燈右調蕊秋香

徐元禧

瓦屋山平如屋何
用木皮鱗蹙辟支佛
向虞淵浴
一丈金身零六聖
燈只向宵溪逐
青燐哭此間光

相生朝旭艷赫金燈銀燭

高橋明月

蛾影峩然高拱八角鼉盤青鞞玲瓏石竅環三洞
腰與飛龍齊聳一丸泥塞無人動刀兵擁如輪明
月波中撞只怕魚龍驚恐

晒經晚照

如是吾聞宣教三藏西天携到老龍要聽經文妙
錯喚兩師清道番番貝葉猶完好難輕掉縱然羲
馭回頭笑自有斜陽西照

馬耳朝霞

縹渺峯高千丈誰道犀尖無雨牛頭鹿角難爲像
馬耳削成新樣四時風雪輪蹄仰銀杯狀一輪紅
日東方漾不信西南來朝爽

古城烟雨

五月渡瀘難待指畫孤城爲界風雲八陣人難解
陌緯阡交如蟬我來弔古惟空砦泪頻洒烟雲一
派溪如海諸葛大名還在

孟渡漁歌